



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxij Columbanus ein Christlicher vn[d] fleissiger Lehrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

**D**ieses ist ein Christliche Jungfrauw vnd eines Königs Tochter auß Engellandt gewest/ welche eylff tausent andere Jungfrawen von hohen geschlechten an sich gezogen / vnd zu Christlichem glauben bekeret hat. Auß Engellandt ist sie mit irer Gesellschaft in Franckreich kommen / vonn dannen ghen Basel auff dem Rhein geschiffet. Zu Basel ward ihnen Pontulus der Bischoff zu Basel / zu einem Geferten / sie ghen Rom zubelerten / zugebē / Von Rom sein sie wider ghen Basel kommen / von dannen sie mit ihrer Gesellschaft auff dem Rhein nach Cölln geschiffet / Auff solcher schiffart ist sie von den Hunnis vnderfangen / mit ein pfeil durch den Hals geschossen / vnd mit eylff tausent Jungfrawen jämmerlich vmbbracht worden / Anno Christi 450.

Vr  
G  
xxj  
Orsala.

**D**ieser ist auß Schottlandt in Franckreich kommen / vnd hat daselbst erste Jar das Euangelium von Ihesu Christo reyn vnd lauter geprediget. Er ist ein Praeceptor gewest Sanct Galli. Darvon wir droben gesagt haben.

Es ist ein anderer Columba genandt / auch ein Schottländer gewesen / welcher durch gang

se  
A  
xxij  
Colum-  
banus.

gans Angliam mit grosser beständigkheit das Euangelium Ihesu Christi geprediget / vnnnd außgebreytet hat. Dises thut meldung Beda in seinen Schrifften. Dieser Columba hat gelebt vnd gelehrt vngefährlich vmb das fünf hundert vnd siebentzigste jar Christi.

Se  
B  
xxiij  
Sempro  
mus.

Dieser hat mitten vnder den Abgöttischen Henden gewohnet / vnd ist seines Handtwercks ein künstlicher Steyn oder Bildhauer gewesen. Nach dem er aber zü Christlichem glauben bekehret / ist er häfftig von den Henden angefochten worden / welche ihn mit gewalt zwingen wolten / daß er ihnen / wie vormahls auß vnwissenheit geschehen / noch solte ihre Götzen vnnnd Bilder hauwen vnd schmücken. Diem Weil er sich aber solches auß Christlicher beständigkheit gewengert / vnnnd nicht dahin hat mögen gebracht werden / ist er auff Tyrannischen befeh! Diocletiani / extrencket worden.

Dieser